



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Conciliorvm Omnivm Generalivm Et Provincialivm Collectio Regia

Ab anno CCCCLI. ad annum CCCCLXXV.

**Parisiis, 1644**

X. Interpretatio Legis A Theodosio iuniore, cum seductus fuisset a Chrysaphio, aduersus Flavianum & socios pro Eutyche promulgatæ: quam religiosissimi Marciani principis lex subsecuta destruxit.

**urn:nbn:de:hbz:466:1-14887**



ANNO  
 CHRISTI  
 451.

nus episcopus, & Theodoretum, & alios quosdam, qui in eadem præfata hæreseos cæcitate participant, & ob hoc sacerdotalibus indigni sunt sedibus. Et nos igitur eiusdem sanctæ Synodi decreta laudamus atque firmamus, hanc orthodoxam fidem putantes atque nominantes, quæ a trecentis decem & octo patribus exposita est, & firmata in sanctis Conciliis quæ Ephesi congregata sunt. Vt vero & in reliquum tempus perfectissima fiat totius solutio quæstionis, iubemus vt in omni orbe terrarum huic ipsi fidei quæ in Nicæa prolata est, vndique episcopi vniuersi subscribant per metropolitanos singulorum locorum, & hoc ipsum nobis per proprias eorum literas intimetur. Omnino autem nullus, qui Nestorii ac Flauiani, & eorum qui eiusdem hæresis sententia detinentur, vlllo modo episcopus ordinetur. Sed & si quis iam maligno præuentu est ordinatus, aut si quis de cetero per concursum fuerit simulationemque prouectus, is orthodoxorum pontificum decreto proiiciatur. Et nec vsque ad verbum eidem sanctæ fidei vel adiiciatur aliquid, vel dematur. Sed nec habeat aliquis, aut legat, aut transcribat, proferatve <sup>\* decreta</sup> Nestorium, vel terminos eius, aut codices noxios, & maxime quos contra solas Porphyrius edidit Christianas literas; neque Theodoreti scripta: sed quicumque huiusmodi codices habet, publice illos proferat, & cunctis videntibus igni tradantur. Et eos qui hanc religionem colunt, vel doctores eorum, nullus neque in ciuitate, neque in agro, neque in suburbio suscipiat, neque eos secum patiatur habere confessum: alioquin rebus eius publicatis, ipse perpetuo exilio relegabitur. Quicumque hoc egerit, vel qualislibet extiterit, vel quisquis codices habuerit, interdicitam fidem Nestorii ac Theodoreti continentes, aut interpretationes eorum, vel qui vocantur sermones allocutorii, siue traditiones, iisdem tormentis subiaceat, vel si ea quæ sunt ab illis composita, alterius nomine fuerint prænotata.